




RIGSADVOKATEN

Unnerluussisuunerup 2014
–imut ukiumoortumik nalunaarusiaaa

Kalaallit Nunaanni politit pillugit
naammagittaalliuutit suliarineqarnerat

2014



Unnerluussisuunerup 2014
– imut ukiumoortumik nalunaarusiaaa

Kalaallit Nunaanni politit pillugit
naammagittaalliutit suliarineqarnerat

2014

Rigsadvokatens beretning 2014

Behandling af klager over politiet i Grønland

Publikationen kan hentes på Rigsadvokatens hjemmeside

<http://www.anklagemyndigheden.dk>

ISBN 978-87-994753-2-2 (Internet)

Layout: Rumfang 15064-72

ISSN 1601-4138

Imarisai

Siulequt	5
1. 2014-lmi sulineq nalinginnaasoq	6
1.1 Aallaqqaasiut	6
2. Suliat kisitsisinngorlugit nalunaarsorneri aamma naammagittaalliuutit aalajangersimasut8
2.1 Politiit pillugit naammagittaalliuutinik aalajangiiniartartut suliaat pillugit Naammagittaalliuutit tiguneqarsimasut kisitsisinngorlugit takussutissiaq8
2.2 Politiit pillugit naammagittaalliuutinik aalajangiiniartartut suliaannut tunngasut aalajangiiffigineqarsimasut9
2.2.1 Iliusaasut pillugit naammagittaalliuutit aalajangikkat kisitsisinngorlugit10
2.2.2 Suliat pinerluttulerinermut tunngasut aalajangikkat kisitsisinngorlugit11
2.3 Suliat rigsadvokatimit aalajangiiffigineqartut kisitsisinngorlugit . .	.12
3 Suliat aalajangersimasut misissorneri13
3.1 Inatsimmi kapitali 2 – iliusaasut pillugit naammagittaalliuutit13
3.2 Inatsimmi kapitali 3 – pinerluttuleraluni suliat Nalunaarusiani siulianeersuni suliat pineqartut pillugit paasissutissat ilassutit18
3.3 Suliat Politimesterip Nammineerluni Aallartitai19
3.4 §17, imm. 2 malillugu misissuinerit	20
Kalaallit nunaanni politiit pillugit naammagittaalliuutinut aalajangiiniartartut nalunaarusiaat 201423
Suliaasimasunik nalunaarsuut26
Ilanngussat27
Ilanngussaq 1: kalaallit nunaanni politiit pillugit naammagittaalliuutinut aalajangiiniartartut 19. Marts 2014-imi ilaasortai27

Siulequt

Kalaallit Nunaanni Inatsisartunut, Folketingemut aammalu Inatsisunik ator-titsinermik ministerimut

Kalaallit Nunaanni politiit pillugit naammagittaalliuutit aammalu pinerluttuleraluni suliat suliarineqartarnerat pillugu inatsit nr. 905 16. december 1998-ime-ersumi § 33 malillugu, inatsimmi kapitali 2-mi aammalu 3-mi taaneqartutut suliat suliarineqarsimanagerat ukiumoortumik Rigsadvokatip nalunaarusiarisas-savai. Pineqarput politiini sulisuusut pillugit sulinermi nalaani iliuusaannut naammagittaalliuutigineqartut suliarineqartarneri, politiini sulisuusut pillugit pinerluttulerinermut tunngasut suliassat suliarineqartarneri kiisalu politiit aku-liunnerisa kingunerisaannik toqusoqarsimatillugu imaluunniit pineqartunik politiinit tigummineqarnerup nalaani annertuumik ajoqusertoqarsimanageranik misissuinerit.

Tamatumunnga naapertuuttumik matumuuna ukioq 2014-imut nalunaarusior-punga.

Nalunaarusiami Kalaallit Nunaanni Politiit pillugit naammagittaalliuutinik aala-jangiiniartartut nalunaarusiaata ilaa ilanngunneqarpoq.

København, marts 2017

Ole Hasselgaard

1. 2014-imi sulineq nalinginnaasoq

1.1 Aallaqqaasiut

Kalaallit Nunaanni Politiit pillugit naammagittaalliuutinut aalajangiiniartartut 1. januar 2000 aallartinneqarput, ukiullu tamaasa Rigsadvokati Kalaallit Nunaanni Politiit pillugit naammagittaalliuutit suliarineqarsimaneri nalunaarusiarisarpai. Siornatigut nalunaarusiarineqarsimasut unnerluussisussaataasut nittartagaanni www.anklagemyndigheden.dk-mi pissarsiarineqarsinnaapput. 2000-imut, 2001-imut aammalu 2002-mut nalunaarusiani aqqissuussinermi tunngaviusut sukumiisumik sammineqarsimapput aammalu politiit unnerluussisussaataasullu aqqissuunneqarnerisa suliassallu allaaserineqarneri. Kalaallit Nunaanni politiit pillugit naammagittaalliuutinik aamma pinerluttoqarsimatillugu suliaqartarnernut tunngasut pillugit inatsit nr. 905 23. december 1998-imeersoq aamma nalunaarutit kaajallaasitallu ilanngussatut naqinneqarlutik ilanngunneqarput.

Inatsimmi nr. 305 30. april 2008-meersumi, 1. januar 2010 atuutilersumi, Kalaallit Nunaanni eqqartuussisarnermik inatsit nutaaq akuerineqarpoq. Tamaattorli Kalaallit Nunaanni politiit pillugit naammagittaalliuutit aammalu pinerluttuleraluni suliat suliarineqartarnerannut malittarisassat inatsimmi 1998-imeersumi immikkut naleqqussarneqarpoq.

Nalunaarusiami matumani 2014-imi politiit pillugit naammagittaalliuutit toqqakkat misissorneqarput. Aammattaaq naammagittaalliuutit pineqartut pillugit kisitsisinnngortinneqarneri ilaapput.



2. Suliat kisitsisinngorlugit nalunaarsorneri aamma naammagittaalliuutit aalajangersimasut

2.1 Politiit pillugit naammagittaalliuutininik aalajangiini-artartut suliaat pillugit naammagittaalliuutit tiguneqarsimasut kisitsisinngorlugit takussutissiaq

Politiit pillugit naammagittaalliuutit tiguneqartut amerlassusaat nalunaarusiorfimmi 2014-imi 15-iupput nalunaarusiorfimmi 2013-imi 11-usimallutik. § 17, imm. 2 malillugu misissuinermik ataatsimik aallartitsisoqarpoq, suliallu inuit toqusimanerannut imaluunniit annertuumik ajoqusersimanerannut, politiit akuliussimanerisa kingunerannik imaluunniit pineqartut politiitit tigummineqarnerisa nalaanni pisimasunut tunngasuupput.

Tabel 1. Politiit pillugit naammagittaalliuutit politimesterimi tiguneqarsimasut¹

Tiguneqarsimasut ukiuni	2007	2008	2009	2010	2011	2012	2013	2014
Politiit iliuusaannut naammagittaalliuutit	9	12	8	6	9	8	8	10
Politiit pinerluttuliorsimaneranut naammagittaalliuutit ²⁾	14(4)	14(0)	10(1)	11(7)	8(1)	7(3)	3(1)	5(0)
§ 17, imm. 2 malillugu misissuinerit	1	3	3	1	1	1	1	1
Aaqqissuussineq malillugu suliat katillugit	24	29	21	18	18	16	12	16

Nassuiaatit:

1) Politiit pillugit naammagittaalliuutit Rigsadvokatimit tiguneqarsimasut, [takuuk tabel 7](#)

2) Angallannermut tunngasut ungaluusiaaapput

2.2 Politiit pillugit naammagittaalliutinik aalajangiiniart- artut suliaannut tunngasut aalajangiiffigineqarsimasut

Ukiuni nalunaarusiorfiusuni 2014-imi Kalaallit Nunaanni politimesterip suliat 14-it aalajangiiffigisimavai, 2013-imi aamma taamak amerlatigisut aalajangiiffigisimallugit.

Tabel 2. Politiit pillugit naammagittaalliutinik aalajangiiniartartut suliaat aalajangiiffigineqartut

Aalajangiiffigineqarfigineqartut	2007	2008	2009	2010	2011	2012	2013	2014
Politiit iliuusaannut naammagittaalliutit	11	16	9	9	9	4	8	8
Politiit pinerluttuliorneri ¹⁾	5(3)	18(2)	13(0)	8(4)	7(1)	11(3)	5(3)	5(0)
§ 17, imm. 2 malillugu misissuinerit	2	1	2	2	2	1	1	1
Aaqquissuussineq malillugu suliat	18	35	24	19	18	16	14	14

Nassuiaatit:

1) Angallannermut tunngasut ungaluusigaapput

2014-ip naanerani suliat 11-t Kalaallit Nunaanni politimesterimi suliarineqarput 2013-imi 13-iusimallutik.

Tabel 3. Politiit pillugit naammagittaalliutinik aalajangiiniartartut suliassaat 31. december ingerlasut

	2008	2009	2010	2011	2012	2013	2014
Illiutsit pillugit naammagittaalliutit	10	9	8	6	10	9	6
Pinerluttuliornerit ¹⁾	11	7(1)	11(4)	10(2)	8(3)	3	4(0)
§ 17, imm. 2 malillugu misissuinerit	2	2	2	1	1	1	1
Katillugit	23	18	21	17	19	13	11

Nassuiaatit:

1) Angallannermut tunngasut ungaluusigaapput

2.2.1 Iliusaasut pillugit naammagittaalliuutit aalajangikkat kisitsisngorlugit Iliusaasut pillugit naammagittaalliuutit aalajangiiffigineqarsimasut kisitsisngortinneqarnerat, naammagittaalliuutinut politeeqarfinni isumaqatigiissutaasimasunut (nalunaarsukkanut) paasisutissanik naammagittaalliuutinik utertinneqarsimasunik naammagittaalliuutinillu itigartitsissutigineqarsimasunik imaqarput. Aammattaq suliat politiit ataasiakkaat aamma/imaluunniit "aaqqissuussaaneq" isornartorsiussallugit imaluunniit pisoq ajuusaarutigissallugu tunngavissaqarsimavoq.

2013-imi iliusaasut pillugit suliat arfineqpingasut aalajangiiffigineqarput. Suliani taakkunanga arfineqmarluk naammagittaalliuutit itigartitsissutigineqarput, suliarlu kingulleq nalunaarusiatut aalajangiiffigineqarluni. Aalajangiinerit Rigsadvokatimut naammagittaalliuutigineqanngillat.

Tabel 4. Suliat iliusaasunut tunngasut aalajangiiffigineqarsimasut

Suliat iliusaasunut tunngasut aalajangiiffigineqarsimasut	2007	2008	2009	2010	2011	2012	2013	2014
Naammagittaalliuutit politeeqarfimmi isumaqatigiissutigineqartut ¹⁾	0	0	1	1	0	2	1	1
Naammagittaalliuutit utertinneqartut	0	2	0	0	0	0	0	0
Naammagittaalliuutit tunngavissaqanngitsutut utertitat ²⁾	8	12	6	7	7	2	6	5
Isornartorsiorneqanngilaq pisorli ajuusaarutigineqarpoq ³⁾	2	1	2	1	1	0	0	0
Isornartorsiuinissamat tunngavissalik ⁴⁾	0	1	0	0	0	0	0	2
Aaqqissuussinermut isornartorsiunerit ⁵⁾	0	0	0	0	0	0	0	0
Allat ⁶⁾	1	0	0	0	1	0	1	0
Katillugit	11	16	9	9	9	4	8	8

Nassuiaatit:

- 1) Nalunaarsukkat.
- 2) Tassani pineqarput ilaatigut suliat tunngavissaqanngitsut, misissuinerit naammagittaalliummut naapertuutinnigtsut aammalu suliani paasisutissat imminnut paarlangasut ("nalogiinnartut").
- 3) Suliami pisup naammagittaalliuutinut utoqqatsissutigineqarnera, naak politiit sulisup iliusaata isornartorsiornissaanut patsisissaqanngikkaluartoq.
- 4) Politiit atorfeqartup iliusaanik isornartorsiuneq
- 5) Ingerlatseriaatsimut nalinginnaasumut aaqqissuussinerup isornartorsiorneqarnera
- 6) Suliaq unitsinneqarsimasoq pineqarpoq, ilaatigut naammagittaalliuutinut politimesterip saaffiginnissutaanut qisuariarsimanginnera pissutigalugu.

2.2.2 Suliat pinerluttulerinermut tunngasut aalajangikkat kisitsisinngorlugit

Sulianut *pinerluttulerinermut* tunngasunut kisitsisitigit takussutissiaq imaqarpoq sulianut paasissutissanik nalunaarutiginninnernik tunuarinneqartunik piviusorsioratumik suliarineqanngitsunik aamma sulianik paasiniarneri unitsinneqartunik imaluunniit uparuarneqanngiinnartussanik. Taamatutaaq ilaapput paasissutissat, sulianut politimesterip imaluunniit Rigsadvokatip unnerluutiginninnissamat tunngavissaqarsorisaannik.

2014-imi suliat pinerluttulerinermut tunngasut tallimat aalangiiffigineqarimapput. Suliami ataatsimi nalunaarutiginninneq itigartissutitigineqarpoq, suliani sisamani misissuinerit taamaatinneqarsimallutik, taakkunani suliami ataatsimi isornartuinissaq tunngavissaqarsimavoq, unnerluussinissamulli tunngavissaqarsimanani. [Suliaq taanna immikkoortumi 3.4-mi eqqartorneqarpoq.](#)

Tabel 5. Suliat pinerluttulerinermut tunngasut aalangiiffigineqarsimasut

Aalangiiffigineqartut	2007	2008	2009	2010	2011	2012	2013	2014
Nalunaarut itigartissutitigineqarpoq ¹⁾	0	2	3	1	1	0	1	1
Misissuineq unitsinneqarpoq / unnerluussineq taamaatinneqarpoq ²⁾³⁾	3(2)	11	9	4(1)	2	7	3(3)	4
Unnerluussinissamat tunngavissalik ⁴⁾	1(1)	2(2)	1	3	(3)4	(1)3	(2)1	0
Allat ⁵⁾	1	3	0	0	0	1	0	0
Katillugit	5(3)	18(2)	13(0)	8(4)	7(1)	11(2)	5(3)	5

Nassuiaatit:

- 1) Eqqartuussisarnermi inatsit § 337, imm. 2 malillugu akerlianik itigartissineq.
- 2) Suliat angallannermut tunngasut ungaluussigaapput.
- 3) Taakkunani pineqarput suliat, eqqartuussiveqarneq pillugu inatsimmi § 338, imm. 3 malillugu (inuit pasineqanngitsut), akerleriimmata, unitsinneqarsimasut aamma suliat eqqartuussiveqarneq pillugu inatsimmi § 312 malillugu uparuaaffigineqarnissai taamaatiinnarneqarsimasut (inuit pasineqartut).
- 4) Taakkunani pineqarput suliat, unnerluussisutaasimasut, akiligassiisutaasimasut imaluunniit mianersoqqussummik nalunaarfigineqarsimasut..
- 5) Taakkunani pineqarput suliat utertinneqarsimasut, annikitsut (angallannermut tunngasut) il.il.

2014-imi suliamik ataatsimik § 17, imm. 2 malillugu suliarineqartunik aalangiisoqarpoq (misissuinerit inuup toqusimaneranut imaluunniit annertuumik ajoqusersimaneranut, politiit akuliussimanerisa kinguneranik). [Taanna nalunaarusiami 2013-imi immikkoortumi 3.3-mi sukumiinerusumik eqqartorneqarpoq.](#)

Tabel 6. § 17, imm. 2 malillugu misissuinerit aalajangiiffigineqarsimasut

§ 17, imm. 2 malillugu aalajangiiffigineqartut	2007	2008	2009	2010	2011	2012	2013	2014
Misissuinerit unitsinneqartut	2	1	2	2	0	1	1	1
Allat	0	0	0	0	2	0	0	0
Katillugit	2	1	2	2	2	1	1	1

2.3 Suliat Rigsadvokatimit aalajangiiffigineqartut kisitsisinnngorlugit

2014-imi politimesterip aalajangigaanut naammagittaalliummik ataatsimik Rigsadvokati tigusaqarnikuvoq.

Ukiumi nalunaarusiorfiusumi Rigsadvokati pinerluttuleraluni sulianik siullermiikkatut tigusaqartoqanngilaq.

Tabel 7. Politiit pillugit naammagittaalliuutit Rigsadvokatimut takkussortut immikkoortitererat

Suliassaq takkuttooq i	2007	2008	2009	2010	2011	2012	2013	2014
Suliaq uannga naammagittaalliutaavoq								
– <i>politiitut atorfilimmit</i>	0	0	0	0	0	0	0	0
– <i>innuttaasumit</i>	0	1	1	0	0	0	0	1
– <i>politiit pillugit naammagittaalliuutitik aalajangiisartut</i>	0	0	0	0	0	0	0	0
Suliat siullermiikkatut Rigsadvokatimit suliarineqartut	2	3	0	0	0	1	0	0
Katillugit	2	4	1	0	0	1	0	1

3. Suliat aalajangersimasut misissorneri

Sulianik aalajangersimasunik misissuinerup suliat nalinginnaasut arlariaat 2014-imi suliarineqartut erseqqissaavigineqarnissaat siunertaraa.

3.1 Inatsimmi kapitali 2 – iliuusaasut pillugit naammagittaalliuutit

Politimesterip 2014-imi politiit sulinerminni iliuusaannut naammagittaalliuutit arfi-neq-pingasut aalajangiiffigivai, tak. [immikkoortoq 2.2.1](#). Taakkunani ataaseq nalunaarsukkatut suliarineqarpoq. Immikkoortumi uani iliuusaasut pillugit suliat tallimat nassuiaatigineqarput.

Attaveqaatit aqutigalugit niviarsiaqqamut 17-inik ukiulimmut attaveqarneq pillugu naammagittaalliuut (55PM-00173-00004-14)

Assersuut 1

17-inik ukiulik K politeeq P pillugu naammagittaalliuuteqarpoq, P allalu politeeq sulinerminni najukkamut, K'p ullaakkut festerfigisaanut, ornigussimamata. Tassunga atatillugu P'p K aperivaa mobiltelefoni tillinneqarsimasoq pillugu. Kingunitsianngua P K'mut Facebookimi profilia aqutigalugu attaveqarfigaa, P ilaatigut allalluni aggerniarluni K festeqatiginiarlugu. P'p saaffigininnera K'p narrujuummernartutut isigivaa.

K'p Facebookimi profiliani ersippoq P'p K aperisimagaa K festernersoq, aamalu K sulinerersoq. Saniatigut P'p allappaa asuuliivilluni aamalu K festeqatigerusullugu. Kingornatigut P K'mut allappoq asuleernerarluni.

P'p pisoq uppersarparaa, oqaatigaluguli K ilisarimasareersimallugu, P'p pania kammalaatigisimammagu. Aammattaaq P'p uppersarparaa ullaq taanna K naapissimallugu mobiltelefoni tillinneqarsimasoq pillugu suleqatinilu suliaqartillutik. P'p nassuiaatigaa K aperisimallugu mobiltelefoni tillinneqarsimasoq sumiinnersoq nalunnginneraa, aatsaannguummat tusaasimagamiuk K'p allat isersimasut mobiltelefoni pillugu oqaluukkai. P'p uppersarparaa kingornalu Facebook aqutigalugu K attavigisimallugu oqaatigalugulu mobiltelefoni pineqartoq pillugu K'p aperinissaa siunertaasimasoq, tamannali qimalertorsimallugu. Pisoq P'p ajuusaarutigaa, saaffiginninnini K'p narrujuummernartutut

isigisimmamagu, aammalu P’p oqaatigaa K’mut qaninniarnissanik siunertarisi-mannngilluinnarlugu.

Mobiltelefoni tillinneqarsimasooq pillugu P’p K’mut siullermik saaffiginnin-nera politimesterip isornartussaqaartinngilaa, matumani tunngavilersuutigine-qarmat P’p K mobiltelefoni pillugu aperinissaminut pissutissaqarsimammat, aatsaannguummat K’p telefoni pillugu allanik oqaluussinera P’p tusaasimam-magu.

Politimesterili isumaqarpoq, Politiit pillugit Aalajangiiniartartut nalunaaru-teqareersullu isornartuusooq, P’p sulitilluni inuttut nammineq niarsiaraqgamut ukiukitsumut attaveqaatit aqutigalugit sulinermit attuumassuteqavinn-gitsumik attaveqarnera isornartuusooq siunertaa paatsoorneqarsinnaammat, taamaalillunilu pisimasinnaalluni.

Politiit pillugit Aalajangiiniartartut taamaalillutik aalajangiinermut isumaqa-taapput.

Pisoq pillugu P 2015-imi Rigspolitichefimiit avoqqaarlerneqarpoq.

Assersuut 2 Siusinnerusukkut pasineqarsimasumut pasillineq pillugu naammagittaalliuut (55PM-00173-00009-12)

Innuttaasup K’p naammagittaalliuutigaa politiip P’p tusarnaartitsisoqartillugu K’mut “ujajaasooq, ujajaasooq”mik nilliasimanera, aammalu kingornatigut P oqarsimanerarlugu K “ujajaasooq” taasimagaa politiinilu siornatigut suliat pil-lugit. K’p oqaatigaa P’p oqaasii ima paasisimallugit, suliami K’p hashimik Kalaal-it Nunaannut eqqussisimanera pillugu pasillerneqarnera unnersuussutigigaa.

P suliamut oqaaseqarami oqaatigaa K suliarluunniit K’p unnersuussutigisaa ilisimasaqarfiginagit. P’p K’mut pasilliutinik nilliasimannnginnerarpoq.

Tamanna tunngavigalugu Politimesterip K qinnuigaa P’p suliamut ilassuti-gisaanut ilassutissaqaruni nassiusseqqullugu. Ilassutissanik Politimesteri tigu-saqannngilaq, tamannalu tunngavigalugu P’p suliamut nassuiaataa innersuus-utigalugu naammagittaalliuut itigartissutigivaa.

Politiit pillugit Aalajangiiniartartut taamaalillutik aalajangiinermut isumaqa-taapput.

Assersuut 3 Tigusarinninnermut atatillugu nukersortoqarsimanera pillugu naammagittaal-liuut (55PM-00173-00007-13)

Politiip P’p biilertoq K biilernermini mobiltelefonimik atuisimasutut aqqusinerti-gut angallannermut inatsimmik unioqqutitsisimasutut tigusaralugulu pasilerpaa.

Kingornatigut K’p P’p tigusarinninnermut atatillugu pissusilersuutaa naam-

magittaalliutigaa. K'p ilaatigut nassuiaatigaa, tassangaannaq P'p K nunamut igeriussimagaa talialu tunummoortillugu. Kingornatigut K saviminernik paf-fequserneqarpoq politiillu biiliinut isertinneqarluni. Aammattaaq K'p naam-magittaalliutigaa P'p tigusarinninninnerminut atatillugu nilliaffigisimagaani kingornalu politeeqarfimmi killisiorneqarnermini aamma taamak pisimagaani.

P'p suliamut nassuiaatigaa, K'p P iluarluangitsutut aammalu itemik taasi-magaa, aammalu politiit suliaqarneranni najuukkusussimangitsoq. Tamanna tunngavigalugu P'p K tigusarivaa, taannalu akiuttoq, taamaattumillu tigusarinnineq nukersorfiusariaqarsimasoq. Aammattaaq P'p nassuiaatigaa nipituumik aalajangersimasumillu K oqaluffigisimasinnaallugu, kisiannili K'p puffasimaarneranik tamanna pissuteqartoq.

K P'p paasissutissiineranut atatillugu tusarniaavigineqarami qisuariangilaq.

Tamatuma kingorna politimesterip unnersuussutigaa misissuineq eqqartuusisarnermik inatsimmi § 338, imm. 3 naapertorlugu taamaatinneqassasoq, misissuinerup paasissutissanik naammagittaalliummut uppersaataasinnaasunik pissarsisoqarsimangimmat. Politimesteri isumaqarpoq tigusarinninnermi pisariaqanngitsumik nukersorsimaneqaneq imaluunniit P'p tulluannigitsunik oqaaseqarsimaneqarnera tunngavissaqanngitsut.

Politiit pillugit Aalajangiiniartartut taamaallitutik aalajangiinnermut isumaqataapput.

Nivarsiaqqamut 15-inik ukiulimmik ileqqussaannigsumik pissusilersorsimanagera pillugu naammagittaalliorneq

(55PM-00173-00003-13)

K'p naammagittaalliutigaa politiip P'p sulinermini ilaatigut K'mik aperinnisimanera "naalanngisaarnermut peqataarusunnersoq", aammalu P'p visitkortini K'mut tunniussimagaa, aperalugulu "sigguatigut uluaatigulluunniit kunikusunnginneraani". K'p aammattaaq naammagittaalliutigaa ulloq alla P'p K neqeroorfigisimagaa atorfissaqartitsilerluni K sianiinnarsinnaasoq – P'p ikiorumaaramiuk.

Kingornatigut P'p K attavigisimavaa oqarlunilu: "ajuusaarpunga – ilaa".

P'p nassuiaatigaa nalinginnaasumik K suleqatigisami sulisoq sulinermi attaveqarfigisarlugulu. K oqaluussimavaa ikasarfigalugulu, imaassinnaasorlu oqaatsinik naalanngippaluttunik atuisimasinnaalluni. Aammattaaq P'p uppersarsarpa visitkortini K'mut tunniussimallugu. Taamaallaalli atorfissaqarteruniuk politiinut, ilaatigut P'mut attaveqarluni, saaffiginnissinnaaniassammat K'mut tunniussimallugu. P K'mut "naalanngisaarnermut peqataarusunnersoq" aperisi-

Assersuut 4

mannginnerarpoq, "sigguatigut kunikkusunnginneraani" aammalu "sianiin-narsinnaasoq".

Politimesterip aalajangiinermini tunngavilersuutigaa P'p sulinerminut atattillugu ikasarluni K'mut oqaatsinik "naalanngippalaartunik" atuisimanagera, aammalu tamanna nangiinnarlugu K visitkortiminik tunisimagaa, tamakkulu kinguneraat pisup tulluungitsutut aammalu tujorminartutut K'mut misigitineqarnera.

Pisut tamaasa ataatsimoortinnerat tunngavigalugu politimesteri oqaaseqarpoq, Politiit pillugit naammagittaalliutitut aalajangiiniartartut isummereersullu, P'p pissusilersuutai isornartoqartut. Politimesterip tunngavilersuutigaa, pisumi K'p ukiui aammalu P'p aammalu K'p ukiumikkut annertuumik nikinganerat pissutigalugit, P'p nalunngittariaqaraluaraa pisumi "naalanngippalaartunik oqaaseqartoqareersorlu" visitkortimik tunniussineq tulluungitsumik K'mut qaninniarnertut paasineqarsinnaasoq. Aammattaaq P'p eqqarsaatigisimasariaqaraluarpa pisoq niviarsiaqqamit 15-inik ukiulimmit qanoq paasineqarsinnaasoq.

Politiit pillugit Aalajangiiniartartut taamaalillutik aalajangiineranut isumaqataapput.

Pisoq pillugu P 2015-imi Rigspolitichefimiit avoqqaarlerneqarpoq.

Assersuut 5

Politiit nukersorsimanagerat pillugu naammagittaalliorneq

(55PM-00173-00001-14)

Innuttaasup B'p tigusarineqarneq naammagittaalliutigaa. Naammagittaalliummi allaqqavoq innuttaasoq tigusarineqarsimasoq, biilnut inissiisarfimmi politiit biiliisa qaavat anaasimmagu, kingornalu politiit marluk P1 aammalu P2 assortuuteqatigilersimallugit. B'p ilaatigut allappaa naammagittaalliutini pissaanermik atonerluineranut aammalu pisumut paasinninnginnerannut tunngasoq, P1'ip aammalu P2'p pisoq sakkukillissinnaasimannngimmassuk, akerlianilli sakkortusaallutillu kamassaasimasut. Aammattaaq B'p oqaatigaa tigusarineqarnissaminut siorasaarneqarsimalluni kingornalu isertitsivimmut isertinneqarnissaminut siorasaarneqarsimalluni, aammalu nassuernissaminut oqartinniarsarisimagaanni.

P1'ip aammalu P2'p oqaatigaat B'p biilnut inissiisarfimmi iliuusaa pillugu pasineqalersimasoq, tigusarineqarluni aammalu politeeqarfiliaanneqarsimasoq. Kingorna B isertitsivimmut isertinneqarpoq, tassanngaaniillu politiit peqqusutaannik unioqqutitsisimasutut killisiorneqarsimasoq pasineqalersimasorlu. Kinguninngua iperagaavoq.

Akiligassiissut B'p akuererusussimangimmagu, suliaq eqqartuussivimmu suliarisassanngortinneqarpoq.

Kingornatigut eqqartuussivik suliamut eqqartuussivoq. Eqqartuussutip ilaani ima tunngavilersuisoqarpoq *“suliame assortuussutaanngitsoq unnerluutigineqartup (B) politiit biiliat anaalersimagaa. Ilisimannittut (P1) aammalu (P2) marluullutik nassuiaatigaat unnerluutigineqartoq qinnuigineqaqattaaraluarluni eqqissinissaanut politiit peqqussutaannut malinnissimangitsoq. Unnerluutigineqartup pissusilersuutini politeeqarfimmi nangippaa aammalu peqqussutaannut malinninnginnini ingerlatiinnarlugu, taamaattumillu isertitsivimmu isertinneqarsimasoq.*

Eqqartuussivik isumaqarpoq uppersarneqarsinnaasimasoq unnerluutigineqartup pissusilersuutaa ima sakkortutigisimasoq, aammattaaq tigusarineqannginnermini, inuiaqatigiinni eqqissisimanissamut ajoqutaasimalluni. Unnerluutigineqartup nipiliorlunilu ajuallannartumik pissusilersornera inuiaqatigiit eqqissisimanissaannut ajoqutaasimavoq, taamaalillunilu unnerluutigineqartoq (X-kommunemi) politiit peqqussutaannik unioqqutitsilluni”.

Politimesterip naammagittaalliut itigartitsissutigaa, isumaqarami P1'ip imaluunniit P2'p tungaanniit isornartumik pissusilersortoqarsimangitsoq.

Politimesteri isumaqarpoq politiit sulineranni P1'ip aammalu P2'p B'mut ilitersuussinerannut atatillugu isornartumik iliuuseqartoqarsimangitsoq qaqugukkut tigusarinnittoqarsinnaaneranut nassuiaassisoqarmat, ilaatigut B'p politiinut ileqqoreqqusamik unioqqutitseqqinnginnissaa anguniarlugu tigusarinissaa pisariaqarsimalluni.

Politimesterip maluginiarpaattaaq P1'ip aammalu P2'p sukasiimaartumik aammalu aalajangersimasumik periuseqarlutik B'mik ilitersuisimanerat, politiinut ileqqoreqqusamik unioqqutitseqqinneq tigusarineqarnermik aammalu politeeqarfimmi isertitsivimmu inissineqarnermik kinguneqarsinnaasoq, tunngavilersuutaasinnaagaluarpalluunniit, tamanna isornartorsuinissamut tunngavissaqartitsinngilaq. Tamatumunnga naliliineq politiit sulisimasut pissusilersuutaat pisumi taamak pissusilersorsimanerannut tunngavissaqarneranik isummersuutaavoq.

Politiit pillugit naammagittaalliutinut aalajangiiniartartut aalajangiinermut isumaqataapput.

3.2 Inatsimmi kapitali 3 – pinerluttuleraluni suliat

Aalajangersagaq § 17, imm. 1 malillugu, politimesteri nalunaarutiginnissut malillugu imaluunniit nammineq ingerlatsinermigut paasiniaaqqissaarilertassaaq, politiiunut sulisut sulinerminni pinerluuteqarsimanerat pasitsaanneqaraangat.

Innuttaasup nalunaarutiginninnera tunngavigalugu paasiniaaqqissaarneq aallartinneqartarpoq. Aammattaaq politimesterip paasiniaaqqissaarneq aallartittarpaa, pinerluttoqarsimasinnaaneranut politiit paasissutissanik ilisimatineqaraangata.

2014-imi pinerluttuleraluni sulianik tallimanik aalajangiisoqarpoq, tak. immikkoortoq 2.2.2.

Immikkoortumi uani suliat marluk nassuiaatigineqarput, innuttaasup nalunaarutiginninnera tunngavigalugu misissuineq aallartinneqartarsimalluni.

Assersuut 1

Kannguttaalliorfiginittogarsimanagera pillugu nalunaarut

(55PM-00174-00001-12)

Arnap, B'p, uppatimigut nulumigullu politiimit P'mit attuualarneqarsimanini pillugu nalunaarutigaa. B'p allappaa P sulisoq naapissimallugu, iniminullu isersinnaannginnami P'p neqeroorfigisimagaani immiini sinissinnaasoq.

Kingornatigut B'p nalunaarutini utertippaa, qanoq pisoqarsimaneranut eqqaamasani annikimmata.

P'p uppersarpaa B immiini sinissimasoq. P'p oqaatigaa sulilluni B naapissimallugu, aammalu isumaqarsimalluni qimaannassallugu illersorsinnaanngitsaq, sumunnarfissaqaranilu angerlarsimaffinnimut isersinnaasimannngimmat.

Misissuineq unitsinneqarpoq, pinerluttoqarsimanissaa ilimanaateqangimmat.

Politimesterip maluginiarpaa politiip B immiini sinissinnaaneranut neqeroorsimanagera tulluannngitsuusoq.

Politiit pillugit naammagittaalliuutinut aalajangiiniartartut aalajangiinermut isumaqataapput.

Assersuut 2

Politiiusimasumit hashimik nassaarneq pillugu nalunaarutiginninneq

(55PM-00174-00003-14)

Kalaallit Nunaanni Politimesteri nalunaaruteqartumit aningaasaasivimmik hashimik puussiaaqqamiittumik kiisalu politiiusimasup P'p pappialaataanik imalimmik tigusaqarpoq. Karsi nuuttoqarneranut atatillugu nalunaaruteqartumit nassaarineqarpoq.

P, ukiut qulit sinnerlugit politiinit sulingikkallarsimasoq, sulingikkallarnisani tikillugu qimmilerisuusimavoq.

P'p nassuiaatigaa hashi polititit qimmimi sungiusarnissaanut tunniunneqarsimassasoq sulinngikkallartussanguleramilu utertissallugu puigorsimassallugu.

Puussiaaqap hashimik imallip misissorneqarnerani takuneqarsinnaavoq qimmip kiisineraniussasoq putoorsimasoq. Hashi misissorneqarami nutaann-gippasillunilu tipeqarpiannngilaq.

Politimesterip tunngavilersuutigaa hashi P'p qimmiminik sungiusaanissaanut tunniunneqarsimassasoq, aammalu P sulinngikkallartussangulermat tunniunneqarsimannnginnera kukkunerusimasoq.

Pinerluttoqarsimanissaa ilimanaateqangimmat misissuineq taamaatinneqarpoq. Tassunga atatillugu politimesterip oqaatigaa P'p hashimik tigummi-aqarsimanera tulluanngitsuusoq.

Politiit pillugit naammagittaalliuutinut aalajangiiniartartut aalajangiinermut isumaqataapput.

3.3. § 17, imm. 2 malillugu misissuinerit

2014-imi suliaq ataaseq inatsimmi § 17, imm. 2 malillugu aalajangiiffigineqarpoq, taakkulu politiit akuliunnerannik patsiseqartumik, imaluunniit pineqartup politiinik tigummineqarnerata nalaani inuup toqusimaneranut imaluunniit anertuumik ajoqusersimaneranut tunngapput. Suliaq immikkoortoq Rigsadvokatip 2013-imi Kalaallit Nunaanni Politiit pillugit naammagittaalliuutit suliarineqartarnerat pillugu nalunaarusaani eqqartorneqarpoq.

Taassuma saniatigut 2014-imi suliaq ataaseq inatsimmi § 17, imm. 2-mut tunngasoq tiguneqarpoq 2015-imilu aalajangiiffigineqarluni. Suliaq matuma kingornatigut nassuiaatigineqarpoq.

Politiit innuttaasup tungaanut igissimanagerat

(55PM-00175-00001-14)

Kalaallit Nunaanni Politimesteri nalunaarfigineqarpoq angerlarsimaffimmi eqqissiviillortitsisoqartoq, sumiiffimmillu politiit biiliat ornigutsinneqarpoq. Politiit takkukkamik paasivaat innuttaasup B'p saviit marluk tigummigai.

Politiit takkummata B qeqqissimavoq, P1'ip isumaa malillugu saassussinisaminut piareersimarpasilluni. Tamatuma saniatigut B kamalluni oqaluppoq paasissaanani.

B arlaleriartumik nilliaffigineqarluni saviit ilissagai, politiilli saaffiginninerannut B qisuariaateqannngilaq. Kingornatigut P1'ip illuinnarsuutini tiguua, arlaleriarlunilu P1 qilaap tungaanut mianersoqqusissutinik igippoq, taakkulu B'p soqutiginnilai.

Mianersoqqusilluni igittoqareeraluartoq B suli qeqqeqqammat, P1'ip isumaa

malillugu ulorianartumik, P1'ip B qanillugu niuatigut aallaavaa. B'li suli qisuarianngimmat P1'p aammaarluni B niuatigut aallaaqippaa, kingorna B'p nalarnernanik kinguneqartumik, tigusarinninnerlu pisinnaangorsimavoq. Politiit ikiueqqaarput ambulancemillu aggertitsillutik.

Kingornatigut Kalaallit Nunaanni politiit pillugit naammagittaalliutit aamalu pinerluttulerarluni suliat suliarineqartarnerat pillugu inatsimmi § 17, imm. 2 malillugu misissuineq politimesterip aallartippaa.

B'p aalakoornini pissutigalugu qanoq pisoqarsimanagera eqqaamasinnaasi-mannngilaa.

Politimesterip tunngavilersuutigaa P1 aallaanninnermini naliliisimasoq immi-nut allanulluunniit isersimasunut saassussinissaq pinngitsoortinniarlugu aalla-ammik atuinissaq pisariaqarsimasoq. Aammattaaq tunngavilersuutigineqarpoq pisup aarlerinarnera pissutigalugu allanik sakkukinnerusunik atuinissaq pisin-naasimannngimmat P1'ip illuinnarsuutini atorsimagaa.

Politimesterip tunngavilersuutigaa aallaanninnissamut malerugassat naaper-torlugit aallaanninnissamut piunasaqaatigineqartut piusut, aamalu niukkt aallaanninneq tunngavissaqartumik nukersornertut isigineqarsinnaasoq, saas-sussinerup ulorianassusaanit aamalu saassussisumut ajornerunngippat aam-alu pingaaruteqarpat, pisumi tunngavissaqarluarsimammat.

Aammattaaq politimesterip naliliinermini tunngavilersuutigaa, nakorsap nalunaarusiai tunngavigalugit passussinissamut periarfissat amigartut pissuti-galugit aallaanninnerup kingunerisaanik ajoqusernerit kingunerisimagaat B'p niuanik kipisinissaq.

Tamatuma kingorna politimesterip suliaq taamaatippaa, pisumi politiit nale-qqutinnngitsumik imaluunniit kukkullutik iliuuseqarsimanagerat ilimanaateqann-gimmat.

Politiit pillugit naammagittaalliutinut aalajangiiniartartut aalajangiinermut isumaqataapput.

3.4 Suliat Rigsadvokatimit suliarineqarsimasut

Inatsimmi kapitali 5-imi malittarisassanik ilanngussisoqarsimavoq Rigsadvo-katip suliarinnittarneranut politimesterimut imaluunniit politimestereqarfimmi sulisunut tunngatillugu (politimestereqarfimmi inatsisilerituut politiitullu ator-fillit amerlanngitsut, politimestereqarfiup allatseqarfiani sulisut) iliuusaasut pillugit naammagittaalliutit aamma suliat pinerluttulerinermut tunngasut. Rigsadvokati inatsit malillugu periarfissaqarpoq statsadvokat suliani pinerlut-

toqarsimanerani paasiniaatissallugu, mannali tikillugu suliassat taamaattut nammineerluni suliarisarpai.

Rigsadvokati 2014-imi suliarinneqqaartut sulianik tigusaqarnikuunngilaq.

Ukiumi nalunaarusiorfiusumi politimesterip aalajangigaanut naammagittaalliiummik ataatsimik tigusaqarnikuuvoq. Suliaq matuma ataani eqqartorneqarpoq.

Angutip tigummigallagaasup aappaanik allaffimmi politiip atoqatiginnissimane annertuumik isornartoqartinneqartoq

(55PM-00174-00001-14 og RA-2014-362-0008)

Angutip innuttaasup, B1, taassumalu aappaata, B2, politeeq, P, qaffasissumik atorfeqartoq ikiaroorartut pillugit inatsimmik unioqqutitsisimasut aammalu kannguttaalliorfiginnissimasut nalunaarutigaat. Kingornatigut B2'p P'p sulinermini pissusilersuutai naammagittaalliutigai, aappami, B1'ip, tigummigallagaanerani P'p allaffimmini atoqatigisimammani.

Ikiaroorartut pillugit inatsimmik unioqqutitsisimasut nalunaarutiginninnermut atatillugu B1'ip aammalu B2'p politiiniit killisiorneqarneranni paasinarsivoq tusatsiagaannaasimasut. Arlaataluunniit uppersarsarsinnaallugu ilisimamngilaa ilumut P ikiaroorartunik tuniniaanermut peqataasarsimansoq. Kingornatigut misissuineq politimesterip taamaatippaa, innersuussutigalugu pinerluttoqarsimanissaa ilimanaateqannginnera.

Politiit pillugit naammagittaalliutinut aalajangiiniartartut tamatumunnga isumaqataapput.

Kannguttaalliorfiginninnermik nalunaarutiginninnermut atatillugu B2'p politiini killisiorneqarami oqaatigaa ilisimallugu P ukiorpaaluit tamatuma siornatigut niarsiaraq inuusuttoq, B3, kannguttaalliorfigisimagaa. B3 suliamut oqaaseqarussimanngilaq.

Arnaq innuttaasoq, B4, B2'mit kajumissaarneqareerluni, nalunaarutiginnippoq P ukiut 15-it missaanni tamatuma siornatigut biiliussimagaani aperalunilu "usuni milukkusunneraa".

P pisuunnginnerarpoq. B3'mut aammalu B4'mut kannguttaalliorfiginnissimaneq pillugu misissuineq politimesterip taamaatippaa, politimesterip tunngavilersuutigamiuk pinerluttoqarsimanissaata ilimanaateqannginnera.

Politiit pillugit naammagittaalliutinut aalajangiiniartartut tamatumunnga isumaqataapput.

P'p pissusilersuutigaisai pillugit naammagittaalliiummut B2'p oqaatigaa P'p allaffimmini atoqatigisimagaani, aappami B1'ip pinerluttulerluni suliami ingerlasumi tigummigallagaanerani.

P'p uppersarpaa B2 atoqatigisimallugu. P'ttaaqa oqaatigaa atoqatigiinneq piumaqatigiinnikkut pisimasooq, aammalu siusinnerusukku B2 atoqatigisarsimallugu.

Politimesterip aalajangiinnermini oqaatigaa pisoq annertuumik isornartoqartoq. Politimesterip pingaartippaa P'p nuimasumik politiiut atorfeqarnera aammalu atoqatigiiffiusup sumiinnera, pinerluttuleraluni suliami ingerlasumi B2'p aapparisaata B1'ip tigummigallagaalluni ilaqutariit festernissaannut peqata-anissamut aninissamik pisariaqartitsinerani. Politimesteri isumaqarpoq P'p nalusimassanngikkaluaraa atoqatigiinnerup B1'ip inissisimaneranut sunniuteqarsinnaaneranut pasillerneqarsinnaanissani. Tassungaa atatillugu politimesterip tunngavilersuutigaa siusinnerusukku P'p B2'mut attaveqartarsimanera.

Politiit pillugit naammagittaalliutitut aalajangiiniartartut aalajangiinnermut isumaqataapput.

P'p sulinnermini pissusilersuutaa (P'p allaffiani atoqatigiinneq) pillugu politimesterip aalajangiinera B2'p Rigsadvokatimut naammagittaalliutigaa.

Politimesterip aalajangiinera Rigsadvokatip atortinnarpaa, Rigsadvokati politimesteritut isumaqarami P'p nalusimassanngikkaluaraa atoqatigiinnerup B1'ip inissisimaneranut sunniuteqarsinnaaneranut pasillerneqarsinnaanissani. Taamaalluni Rigsadvokati isumaqarportaaq P'p pissusilersuutaa annertuumik isornartoqartoq.

Suliap naammassinerata kingorna P'p suliffimmini appartinneqarnissani qinnuteqaatigaa. Qinnuteqaat akuerineqarpoq taamaalluni P politiaassistentimut appartinneqarluni. Tamanna tunngavigalugu politimesterip Rigsadvokatimut innersuussutigaa atorfinitsitsinnermit kinguneritinneqartut suliami pereersut tunngavigalugit iliutsit pillugit pillaatiniq allanik tunniussisooqqaqissanngitsoq. Politimesterip innersuussutaa Rigsadvokatip malippaa.

Kalaallit Nunaanni Politiit pillugit naammagittaalliuutinut aalajangiiniartartut 2014-imut nalunaarusiaat

Kalaallit Nunaanni Politiit pillugit naammagittaalliuutinut aalajangiiniartartut 2014-imi sulianik nutaanik 13-inik tigusaqarput, ukununnga agguataarsimasunik:

Suliat takkuttut	2014	2013	2012	2011	2010	2009	2008	2007
Suliat								
nalunaarusiarineqartut	1	0	0	0	2	1	0	0
Pissusilersuutit pillugit naammagittaalliuutit	8	8	6	5	6	6	15	7
Pinerluttuleraluni suliat	4	3	8	6	2	9	4	7
17,2-sager	0	1	3	2	1	1	2	2
Suliat angallannermut tunngasut	0	1	5	1	5	0	0	4
Misissuilluni suliat	0	1	1	1	2	2	0	0
Suliat katillugit	13	14	23	15	18	19	21	20

Ukiup ingerlani Aalajangiiniartartut suliat 15-it aalajangiiffigivaat, imatut agguataarsimasut:

Suliat takkuttut:	2014	2013	2012	2011	2010	2009	2008	2007
Suliat								
nalunaarusiarineqartut	1	1	0	0	2	1	0	1
Pissusilersuutit pillugit naammagittaalliuutit	8	7	3	9	5	8	15	10
Pinerluttuleraluni suliat	5	3	8	5	2	10	18	5
17,2-sager	1	1	2	2	1	1	2	2
Suliat angallannermut tunngasut	0	2	3	1	5	0	0	5
Misissuilluni suliat	0	0	1	1	3	0	0	0
Suliat katillugit	15	14	17	18	18	20	35	23

Ukiup naanerani suliat arfineqmarluk ingerlapput, suliat Kalaallit Nunaanni Politimesterimit aalajangiiffigineqarnissamut utaqqisut. Taakkunanga marluk 2012-imeersuupput, ataaseq 2013-imeersuulluni sinnerilu 2014-imi takkuttuul-lutik.

Taamaalilluni politimestereqarfimmi sulianik suliarinninnermi piffissap ator-taga ukiuni kingullerni malunnartumik appariarsimavoq.

2014-imi naammagittaalliuutit amerlassusaat 2000-imiilli aaqqissuussinerup atuutilersinneqarneraniit suliat takkuttut agguaqatigiissillugu amerlassusaan-niit suli appasinnerupput.

Pinerluttuleraluni suliani tallimaasuni politiit naammagittaalliuutigineqartut pillugit unnerluussisoqanngilaq. Suliani tamani misissuinerit taamaatinneqar-put, pinerluttoqarsimanissaa naammattumik ilimananngimmat.

Pissusilersuutit pillugit suliani aalajangiiffigineqartuni ataatsimi, nalunaaru-siarineqartut naammassineqartumi, politiip pissusilersuutaa ajuusaarutigissal-lugu tunngavissaqarsimavoq, sulianilu aalajangiiffigineqartuni arfinilinni isorn-artorsiornissamut imaluunniit ajuusaarnissamik tunngavissaqartarsimanngilaq.

Pissusilersuutit pillugit suliani marlunni innersuussutigineqartunut Aalajan-giiniartartut isumaqataasimanngillat.

Suliami siullermi Aalajangiiniartartut isumaqarput isornartuusoq politiitut sulisup sulinermini inuttut attaveqaatit atorlugit niviarsiaqqamut ukiukitsumut, sulinerminut atatillugu aatsaannguummat attaveqarfigisimasaminut, saaffigin-nissimanera. Politimesterip aalajangiinermini oqaatigaa pisimasoq isornartu-usoq.

Suliap aappaani Aalajangiiniartartut isumaqarput isornartuusoq politiitut sulisup toqqorsivimmi ikasarluni niviarsiaqqamut 15-inik ukiulimmut naalann-gitsunik atuisimanera tassungalu atatillugu vistikortiminik niviarsiaqqamut tunniussisimanera. Politimesterip aalajangiinermini politiitut sulisup suliner-mini pissusilersuutigisimasai isornartorsiussallugit tunngavissaqartippaa.

§ 17, imm. 2 malillugu suliani, politiit tigummigallaanerini ajoqusertoqarsi-manera pillugu, isornartorsiussalluni tunngavissaqarsimanngilaq.

Suliani taaneqartoq pissusilersuutit pillugit naammagittaalliuut minillugu, politimesterip uppersaanananut aammalu sulianut aalajangiinerinut aala-jangiiniartartut isumaqataasimapput.

Ukiup ingerlanerani Politiit pillugit naammagittaalliuutinik aalajangiiniartar-tut sulianik aalajangiinissamut arfineqmarloriarlutik ataatsimiittarsimapput.

Aalajangiiniartartut Nuummi Politimestereqarfimmi septemberimi ataatsi-meeqataapput. Ataatsimiinnermi Politimestereqarfiup politiit suliaat aaqqissu-

ussaanerallu pillugit ilisimatitsipput, ilaatigullu suliat naammagittaalliuutaasartut eqqarsaatigalugit ajornartorsiutaasartut eqqartorneqarlutik.

Ukiup ingerlanerani Aalajangiiniartartut naammaginarluinnartumik Kalaallit Nunaanni Politimesterimik aammalu Rigsadvokatimik suleqateqarput.

Nuuk, ulloq 4. juni 2015

*Kalaallit Nunaanni Politiit pillugit naammagittaalliuutinik
Aalajangiiniartartut siulittaasuat:*

Anita Strauss Sørensen

Suliaasimasunik nalunaarsuut

Rigsadvokatens j.nr.

RA-2015-360-0078

Kalaallit Nunaanni Politimesterip j.nr.

55PM-00173-00009-12

55PM-00173-00010-12

55PM-00173-00003-13

55PM-00173-00007-13

55PM-00173-00001-14

55PM-00173-00004-14

55PM-00174-00001-14

55PM-00174-00003-14

55PM-00175-00001-14

Ilanngussaq

Ilanngussaq 1

**Kalaallit Nunaanni politiit pillugit naammagittaalliutinik Aalajangiiniartartut
19. marts 2014 ilaasortai:**

Kalaallit Nunaanni Politiit pillugit naammagittaalliutinik aalajangiiniartartut
Fjeldvej 16
Postboks 59
3900 Nuuk

Siulittaasoq:
Advokat Anita Strauss Sørensen
Advokat Jens Paulsen (sinniisussaq)

Inuinnag sinniisussallu:
Bjarke Egede
Nikoline Ziemer (sinniisussaq)

Johanne Olsen
Nitta Lyberth (sinniisussaq)



Rigsadvokaten

Frederiksholms Kanal 16
1220 København K

Telefon 72 68 90 00

